

四庫全書

集部

欽定四庫全書

集部

古歡堂集卷八至
十一

詳校官侍講學士臣法式善

助教臣常循覆勘

總校官庶吉士臣何思鈞

校對官中書臣石鴻勳

謄錄監生臣朱續曾

欽定四庫全書

古歡堂集卷八

戶部侍郎田雯撰

五言律詩

野行

流水村村淺斜陽樹樹生
花飛雙屐合雨過一蟬鳴
市遠無簫筑人閒狎釣耕
桃源如有路雞犬倍舍情

送友還蜀

酒壚連客巷匹馬向天涯
驛路秦川雨春風蜀道花
行

金匱山房詩集 卷八
藏憐郭隗書劍老侯巴但看黃梅熟知君已到家
錦官城外路山色待人歸春柳搖新水鳴禽背落暉干
戈巫峽舊風雨草堂非獨酌卽筒酒長吟賦采薇

翠微寺

幽僻非人境招提在此峯垂巖千尺瀑對岸二株松直
入烟霞窟言尋麋鹿蹤攀蘿方可到車馬不能從

退谷亭子

苔淨水增綠雨晴山更青何人來退谷石上結閒亭草

沒陵原碣風鳴佛閣鈴此中棲隱者吟嘯戶常扃

碧雲寺

半里山腰寺層層到上方漸聞僧磬響不辨藥苗香
鳥道千林寂龍湫萬壑長行行筋力倦小憩贊公房

來青軒

歷歷峯相抱憑闌翠靄收晚嵐浮壻動新月墮溪流
四面白雲起萬山紅葉秋題名有遺跡墨瀋至今留

松磴

亂石通樵徑雲深第幾重潺潺流水外林黑下高春無
數飛鴉集長鳴澗上松歸途遇老衲拄杖且相從

七夕

官冷如招隱空齋但醉眠異鄉逢七夕客路又三年別
淚瀟瀟雨秋聲嘒嘒蟬鵲橋那可渡悵望女牛邊

聞周此公在真定賦寄

挾瑟新聲少平原舊客多可曾逢趙勝幾日渡滹沱歲
月悲揚柳衣衫老芰荷賣漿有隱者相見意如何

送岷公南還

鴻影秋無恙，青楓入棹歌。
涼雲截江浦，落日渡黃河。
身在妻孥怪，時艱涕淚多。
扁舟鑑湖去，家信近如何。

舍弟歸里

柳碧如醅色，蟬鳴似棹歌。
只今秋色裏，其奈別離何。
官稅憑新稼，庭花護舊柯。
翻嫌杜陵老，鶯鴨話偏多。

偶出西郊阻風邨店

十月陰霾起，天空野日昏。
朔風來雁塞，疲馬自山村。
沙

路斜通郭人家畫閉門停鞭投野屋烟火一消魂

悶

命屐衝泥怯銜杯但醉眠只今耽寂寞不異住林泉小
草違初志名山誤壯年一燈百感集掉首欲逃禪

豐臺觀芍藥晚歸

忽漫花驚眼迎人片片飛葉殘弄日蝶香散上風衣地
潤山光入歌停酒力微如泥齋拍手醉後竟忘歸

陽丘木石髮來都門

著書長白麓高枕繡江樓正可成真隱如何賦遠遊新
詩傳後悔短褐敝堪憂勸爾還山去明珠莫暗投

送宋荔裳先生之蜀

燕市閒裁賦梁園晚暫棲每携青竹杖時到翠微西飲
逐荆高醉名原李杜齊翩翩駟馬客又下浣花溪

黃氏山莊

並馬青郊路看山何所之名園依谷口流水出村籬鳥
亂驚人過藤深當戶垂濠梁足幽興獨與野人期

山中贈黃中丞

華髮輕朱紱，虛堂放白鷗。
烟霞今輞口，節鉞昔秦關。
雁柱箏聲合，匏尊酒器斑。
我來訪遺老，空翠滿山顏。

黑窰廠晚步

一望翠微西，平林落照低。
鴉鳴風入樹，波動月吞溪。
土屋藏烟火，青山送馬蹄。
習家池上客，一路醉如泥。

嬾

蒼山西郭外，衰柳玉溝濱。
終日驅疲馬，何時把釣綸。
病

深思入道交久漸知人不為躑高臥年來嬾是真

偶登潞河城樓

晚唱村邊笛高巢塙頂鴉日黃莎草短樹綠酒旗斜
畫戟將軍幕風颿使者槎津門三百里潮上湧晴霞

撥悶

京雒門常閉田園興已違欲眠聞雁過獨坐見花飛
却病閒丸藥謀炊自典衣官貧人事減僮僕亦應稀

僧房二首

虎頭傳畫壁宣鼎熟沉香幽意今能愜高吟但不妨來
尋支遁侶還宿贊公房向晚蓮花淨鐘聲到石牀
杖錫何年至安禪住翠微諸天花雨界老衲水田衣鉢
粒喧簷雀茶烟雜落暉乘閒常造汝切莫掩山扉

得龐潛之書兼懷李賓王

知爾眠餐穩歸家兩月餘迢迢春日雁老病故人書微
祿難耽酒長河且釣魚佯狂有李子消息近何如

送客

送客春城路因看郭外山
遠峯青可數飛鳥倦知還
雪積官橋下霞明野寺間
五陵遇年少裘馬正酖顏

花朝別友人

鎮日陰霾起蹉跎向柳條
黯然當此夕不辨是花朝
小院飛寒雨迴風下怒鷗
天涯春草色重惜故人遙

祖家園看芍藥分體六首

翼翼花隨屐行行客墊巾
烟村澄樹色溪路淨衣塵
細雨鞭絲重斜風鳥語頻
漫愁天漸熱不少賣錫人

沙徑名園近柴門古寺西數行垂柳密幾處亂鶯啼閣
勢憑風動花陰傍午齋到來爭繫馬步履躡香泥

小憩孤亭上藤花四面垂埜塘深幾尺老鶴立多時竹
箔收蠶子風巢護燕兒納涼新月上樹影亦離披

抱水長隄好垂簾小肆幽黃鸝雙入樹白雨一登樓花
落輕難下池平靜不流何人牽犢過扣角發清謳

貪行過寺北回首已村東橋斷隨溪轉林深借鳥通針
明秧刺水浪煖麥吹風花意還相引畦邊有落紅

理策前峯香開襟午氣清井深轉石出徑窄逐籬行俛
仰此何地園林空復情蒼涼一水閣濠濮舊題名

飲申叔旆寓齋

籬下多殘菊天邊一雁聲酒杯消短燭官况話深更失
路嗟何益癡懷老漸平思歸笑張翰何必待秋清

花朝懷友人

春遲新水漲河上柳如烟去馬東陵外懷人燕社前暮
雲投大壑遠樹界青天二月多風雨花朝最可憐

大佛寺

歇馬城西寺空林野鳥呼萬峯圍閣小一徑立僧孤雪
沒蕭梁碣燈懸象罔珠侍中遺像在香火護龍符

東北山先生

我負登山約君尋到幾峯一枝葛陂杖何處翠微鐘鳥
怪名難識花繁徑自封不知巖下寺二遠可曾逢

城西溪上

郭外風光好偶然騎馬來最宜溪水漲相映野花開一

路鶯同蝶千株柳間槐
西山望不見行轉小橋隈

贈徐勝力

榻是何人下行歌入翠微
貧甘投刺少嬾惜舊遊
非風雨穿秋屋干戈老布衣
借書常夜讀委巷掩荆扉

三月三十日

此夕成娛賞當杯戀落暉
醉仍留客坐老畏送春歸
撲樹雙鳥至迎風一蝶飛
明宵即入夏遲暮惜芳菲

再過城西溪上

郭外重遊地溪邊眺望賒鳴蟬迎客沸隄柳受風斜野
架垂瓜蔓疎籬落豆花老農如舊識為我話桑麻

寓園雜詩同龐舍人

閒坐偏宜雨空齋嘉樹多酒杯當此夕烽火正如何歌
架藤花重低簾燕子過荆高逢舊侶停筑莫狂歌

細雨朱魚上迴欄碧蘚滋蟻行穿樹腹蛛靜理簷絲不
醉眠難穩長吟病莫辭閉門中憤嬾只似住山時

修竹風頻入叢花蔓不分亭中微雨後池上一蟬聞出

谷非栖鳥歸峯是倦雲鄉心生感慨獨立向斜曛
莫謂頭銜好官間只閉門鳩已藏越蠡贅堦類齋試
茗藥欄下移牀松樹根高飛看老鶴豈戀大夫軒

題新居壁

卜宅依深巷秋風客意新少嫌沽酒遠不厭灌花頻
寒葉將辭樹飛鴻欲避人亂書十數卷莫笑阮家貧

比隣單行人招飲迷官粵時龍脊之戰賦贈

白版三間屋同君儼舍時短牆聞擊缶獨樹怪題詩小

部涼州曲寒鐘太乙祠巷南與巷北舍爾復何之
靈川天末縣官罷抱琴來瘴癘三苗地鬚眉百戰才缺
刀鑿隴脊苦酒撥柳杯遑事還堪憶曾經射虎迴

劉富川殉節詩

名欽鄰儀真人辛丑進士

危語妖芒折靈旗奮臂呼舌堪收盜賊血已碧蒼梧日
暗羣蠻泣風寒一劍孤巖疆諸將吏曾識呆卿無

典禮官常備詩書士氣伸

九重昨日詔灑淚念孤臣秀實庭前笏睢陽戰後塵腐

儒無寸補誓死定何人

慶豐閘閒步

村口人家淺為園傍野塘疏泉畦水細鋪地芥花香斜
纜穿堤柳饑鳥上釣牀燕寒宜種秫亦插稻田秧

五里沙村路漁莊帶濕烟小橋垂柳下古廟野花邊風
過鷗翎落山昏雨脚懸披襟入城去野興劇流連

山行先至廣惠寺

馬首春風引山腰細路懸夕春千嶂疊平圃一松圓白

塢如孤鶴高騫野寺邊僧堂鐘磬發坐聽已悠然

回至八里莊

林深人不見谷口鳥同歸迴望村西路巖花高下飛何
時青竹杖還訪釣魚磯暮雨投空寺山僧莫掩扉

雨後出石安門自祖園至豐臺看花

五里村烟北一灣春水西乍晴雲不斷頻到路還迷乞
火尋漁舍聞鶯上柳堤風柔沙徑軟花妥不沾泥

傍樹帘翻屋賣漿人過橋甚垂桑刺眼穗直麥齊腰鳩

婦呼殘雨魚兒種細苗野行天漸熱團扇著絺蕉
不分豐臺地村村花障圍歌籬編木槿短屋架薔薇林
靜嫌禽噪人行礙蝶飛那知倦游客白首惜芳菲
橋下行相映溪光倒景間摩挲吾病眼罨靄夕陽山回
首看林杪飛鴉已暮還騎驢入城去吹角不曾關

贈比鄰姚岱麓黃門昔予將歸里

僻地臨南陌因來就舍居貪眠過客少褊性避人疎
冰雪三條巷鶯花四庫書偏憐姚給事蠟屐到庭除

坐談依獸樹斜日泛新醅屋破秋螢入山昏暮雨來隔
牆聞鶴嘯分俸買花栽寂寞安時命愁登郭隗臺

涿州城南

揖別西山去南歸近故鄉白溝寒泚泚獨鹿勢蒼蒼敗
葉埋村碣饑鷹撲獵場塞雲西北起偃蓋似樓桑

抵里後追憶在都違事感述成詩得五首

自整還鄉旆新銜罷左司卻緣乞歸日飜憶入燕時遭
際傷胸臆年華換鬢髭舊林望飛鳥棲息已高枝

溫室名何樹追趨笑腐儒薄材慙鍛鍊削跡混泥塗鴻
寶書全秘西清鳥自呼可憐丞相掾只媿阮元瑜

谷樹紅櫻密溪花黑丑絲蝦蒸沒山徑裂帛訪河源細
雨圍千章來青俛一軒不禁濼濮意逸興足飛翻

高會娛文酒招尋聽馬嘶幾番銜火夜不惜醉如泥屋
上叅橫落花間鳥怪啼同遊憶陶謝芳草正萋萋

未肯拋書卷何妨挂酒瓢虛名防俗忌冷面避人驕
水來春燕分錢買藥苗韞材長自惜瑟縮更無聊

拜李于鱗墓

下馬拜滄溟荒山亂石橫
炎天無白雪遠樹有泉聲
邊許才相映嵒華峯正晴
弇州今已矣誰重濟南生

過獻縣

小縣人烟少曾傳漢獻王
秋清經此地雨過豈花香
斷碣尋遺跡停車大道傍
滹沱漲寒水一雁下斜陽

良鄉道中見西山

杳靄遠山色別來經一年
酒旗官柳下梵寺石橋邊
花

放迎人至鴻飛過馬前何勞又西笑吟望翠微巔

勝水庵遠眺

野外多秋色却居數日間出門方二里便入翠微山寺
在蟬聲裏人行樹杪間路逢支遁侶邀我到禪關

風來吹柿樹片片下庭柯不到山深處那知紅葉多厨
幽烟出竹簾靜戶垂蘿小憇僧房靜其如啼鳥何

疊嶂一千尺層樓懸在茲遠看秋雁下况是夕陽時風
落澗邊石鶴巢松頂枝渾河三十里斜遠督亢陂

我欲隨山鳥高飛第一峯振衣千澗壑回首萬芙蓉霜
後餐丹實林邊聽暮鐘野雲自來往何處訪幽蹤

寒食郊行風日甚佳

城外春光好清明更不同柳烟蘸水面杏酪賣村中樓
上吹簫客花邊舞蝶風香塵十餘里步履任西東
螞蟻墳邊路蝦蟆陌上泉新泥銜燕子小雨濕鞦韆村
舍紅纏酒遊人白打錢家家知禁火一望少炊烟
減衣天漸暖賒酒僕還能樹向谿邊密山從雨後登冶

遊春窈窕小困醉普騰聞說豐臺近桃花開未曾
到寺陪僧話當杯岸野巾放鳶風有力下馬杖隨人社
日愁無賴花朝病浹旬清明今又過空負一年春

古歡堂集卷八

欽定四庫全書

古歡堂集卷九

戶部侍郎田雯撰

五言律詩

南行即事

黍地村村熟蟬聲樹樹同
江南幾千里客路逐秋風
野店荒山下槐花細雨中
簡書真可畏無計駕飛鴻

泰安道中

嶺背行人少秋聲塞雁隨
蓼紅溪轉處山黑雨來時
崖

樹懸羊棗村田絡兔絲郵亭十餘里投憩夕陽遲

過郟城

野濶青山斷荒城白晝扁夕陽郟子國禿柳問官亭泥

路搖牛鐸風巢落鵲翎可憐眠土銼一老少微星

郁處士年

百有九歲矣

丹陽道中

廡下晨春米河邊夕緯蕭布帆風力小漁火野村遙秋
雨左思墓蓼花丁卯橋曲阿懷古意愁聽海門潮

呂蒙城下水直接大江流
京口烽烟路人家橘柚秋
淺沙投旅雁寒日落犇牛
偶遇吹簫客蘭陵上酒樓

驛舍偶作

深院青藤合頽牆
白板遮老松僵作勢
病桂晚爭花高枕江聲壯
吹鐙鬼火斜瀟瀟秋雨
夜濕鼓不停搗

金陵道中

石頭城下路烟樹遠
迷離水黛山青裏
橙黃橘綠時風中秋鴈引
天外夕陽垂寂寂秦淮
岸何人倒接羅

狂態因官減山遊發興新
烟中打魚艇樹下搗衣人
空袖持螯手還慚墊角巾
江干好風景何日老垂綸

皖江道中

折坂籃輿出衝泥騎馬來
橋邊樅葉下溪口蓼花開
竹簾尋眠具江鱸作饌材
瓦盆盛濁酒獨酌興悠哉

冒雨來山店黃昏吏候扉
移牀眠避漏吹火立烘衣
野市黎祁白秋盤郭索肥
不辭行役遠翻喜簿書稀

屈指程難數眠餐野寺隈
山行三百曲溪轉一千迴
箬

密狐狸語燈昏蝙蝠來前途有虎跡僕馬莫頻催
橘包霜信冷土銼客餐溫茅屋如瓢小油燈似月昏雨
陰蛙閣閣巷窄犬信信不寐愁難遣秋風滯旅魂

將抵金陵

兩岸盡葭葦遠天秋水長石城望不見烟際歌滄浪水
剝鴻頭熟柑堆佛手香篷牕正午睡一棹入江鄉

清涼山遠眺

遊屐今年懶荒山勝事徂鶯花景陽井風雨莫愁湖流

水長千曲垂楊野寺孤六朝存舊蹟惆悵躡春蕪

異代繁華地江潮打石城層嵐動牛首踈磬落鷄鳴野

笛梅花曲春風燕子情清涼山脚路且信馬蹄行

鷄鳴寺在

清涼山

東半里

青溪尋江令故宅

江總當年宅青溪第幾家風流不可見垂柳夕陽斜
渺秦淮水娟娟躑躅花空餘瓦官寺暮鼓噪棲鴉

石馬鎮懷元龍

石馬立嘶風荒岡句曲東溪邊龍女寺樹下鹿皮翁木
客穿林黑山桃帶火紅江村一樽酒清興復誰同

金山

晚渡南風正人聲北岸聞水圍景純墓帆截妙高雲
染樓臺出參差竹樹分金山真似畫一幅李將軍

病

自昔春無賴今年病不斟
敢愁身那健試藥老難禁
舊雨交遊絕新官消息沉
鶯花吾媿汝寂寞廢長吟

時候
趙闌

仙不
至

揚州寄劉木齋

句曲四山裏揚州三月時春憐今昔異柳自短長垂劉
寵錢原少馮唐老不辭小胥翻可怪一二尚相隨

方氏園林四首

睡穩竹邊屋坐看溪上雲波平風有暈花艷午如醺可
笑田京兆翻憐鄭廣文春駒飛不定夜桁亂紛紛

蜿蜿長堤好何人築小園官蛙皆給廩老鶴亦乘軒空

潤巢賓爵頽唐臥醉髭吾廬高津水恨少此丘樊

白勃通溪柵山雌入麥田柳花飛似蝶荷葉小于錢水
調聲初歇燕城賦又傳來朝挂帆去二十四橋邊

肘後懸何益尊前興莫辭門人爭送酒小吏解吟詩春
筍登盤日河豚入饌時堂堂三月盡白盡使君髭

方氏園林後四首

抱病眠西郭牽船並水城罷官吏人少避地客懷清江
上回颿鼓花邊煮藥鐺園林好風日深樹一聲鶯

紅亭一溪遠，白板兩重扉。漁艇有時入，水禽無數飛。
理琴過小雨，看畫立斜暉。但住為佳耳，言歸未肯歸。

僕馬須長避，休教蹋綠苔。魚沉綠屐響，鶴靜怪官來。
草屋三層好，畦葵二畝栽。桃花開未了，又報牡丹開。

書案排幽閣，花棚繫短橋。竹根穿戶檻，柳絮没人腰。
風雨白門樹，帆檣揚子潮。秦郵木瓜酒，鎮日醉無聊。

由京口歸句曲

鳴榔經旬久，看山策杖歸。溪邊黑蝴蝶，雨後白薔薇。
峯

曉銅鉦掛江空鐵甕圍揚州
一回首却戀笋魚肥

秣陵關

掘井清渾水壓村高下山叢花
句曲郭匹馬秣陵關濃
淡村醪熟青黄土茵斑日斜
投野店一醉且開顏

江神廟

野廟當江口江船繫不開昏
燈懸白晝斷戟臥青苔高
浪連崖動神鴉撲樹來鳴鑼
集估客日暮祭風迴

泊舟吳門寄汪茗文

渺渺太湖水遙遙光福山梅花一萬樹窈窕非人間思
與堯峯叟扁舟數往還烟巒七十二坐嘯聽潺湲

聞說楓橋近西郊有草堂門連春水閑徑落野花香楚
客吹簫地吳娃響櫂廊停橈吟望久雨後夕陽黃

寄嘲木齋

少小識劉髯于思絕可嫌麤豪齋語怪態度晉人無未
老頭全白無錢突不黔田園且歸去有意學陶潛

春日歷下雜詩

歷下湖邊宅來停薄笨車身衰多難後
去冬曾遇暴客客散罷
官餘牀曬新丸藥籤分舊著書狂謔兼醉態重與賦郊

居

雨後增春色支頤坐小亭穿堦叢竹綠排闥亂山青新
置燒茶竈閒看相鶴經僧從嵩少至投刺在門庭

脫帽無拘束迂談少拍張嬾遲還客拜病誤寫盤方酒
盡空瓶臥琴疎舊譜荒行年將半百鬚鬢已蒼浪

卯酒三杯足南華二卷終寺行因佞佛雨立為鋤菘學

語憐嬌女鈔書課小童
龍鍾多老態頭腦久冬烘
牀下支龜殼花邊壓酒槽
齒搖嫌餅硬脚痛怯樓高
僧乞銘新塔奴羞補舊袍
蕭然無一事似昔在閻曹

泥滑難騎馬簾垂不上鉤
茶多妨午睡山好妬人遊
帖選硬黃紙畫憎寒具油
讀書須字大老眼怕蠅頭

再仕真蛇足逢人厭鼠肝
心能學禪定老不帶儒酸
避盜移家好虛名說隱難
熨衣書手板明日賀新官

家信憑兒寄新交折柬多
酒錢償復欠曲譜改仍訛書

亂宜收拾筋衰費按摩小奴常誤事亦不欲搗訶

前輩懷邊李風流不可攀徘徊尋舊跡唯見鵲華山
燕子風教舞桃花雨著斑籃輿時一出空趁夕陽還

亭古頻通屐湖寬好放船白魚長似笏青鴨小于拳
謝客登山句陶公飲酒篇新詩纔上卷已是滿城傳

結用唐人

張司業語

湖上

湖上沉吟立春陰柳半遮烟波經雨濶衣帶受風斜閒

拄紅藤杖看栽白藕花
欲尋北渚去前浦路三叉

買山

四庫書充屋千章樹滿園
移來怪石供獨坐老藤軒
小妓調箏立高朋賭酒喧
買山尋此樂無分復難言

紙房作

車路經牛塹行滕入紙房
懶雲低不動斜日瘦無光
寒有澆書酒眠須濯足湯
一年三過此岐路歎亡羊

止園十首與呂鐵翁

叢樹開風徑，歌牆疊草痕。豈知住城市，亦有一山村。水
氣畦邊井，蟬聲柳下門。白蘋紅蓼裏，相對泛清樽。

石檻莓苔徧秋堂，灑掃頻落花。著屐客微雨，種瓜人壁
挂琴材。舊車裝麪餅，新門鈐常反。鎖閉步岸風巾。

蔓匝青藤架，橋通白板扉。柳根秋芋大，井路菜蛾飛。秧
馬衝泥立，蝸牛上壁肥。轆盧聲不歇，課僕趁斜暉。

平地山情少，西風槿柵斜。幾行鴨脚樹，一路兔絲花。哥
定藏罌器，宣和辨畫家。夜涼新月上，誰道有蝦蟆。

瓜棚張似屋菜圃坼道渠多樹勝奴橘平池種婢魚鳥
聲三疊唱虫葉八分書自誤鐵菴記篇章錦不如

藜老堪為杖槐垂曲似弓來禽千顆白木蜜一庭紅秋
水鷓鴣雨斜陽菡萏風敲門無別事酒客與詩筒

盆菊還須買霜梨不用求藥方書壁記酒器坐禪收小
立梧桐下高歌蟋蟀秋從無軒冕意豈恥爛羊頭

竹徑安衣桁鴉聲亂遠砧三竿酣睡美一寸落花深入
箸蟹脂膩洗甌桑苧斟南華重可註秋水費長吟

斫得松身癭為予作酒瓢秋來一狂飲花放雨蕭蕭
髮孤鴻過拖筇小蝶招如泥容不散勝地足逍遙
齷齪輕時輩生涯逼老年眼昏仍展帙花好不論錢
孟浪携蒲局蒼涼麪藥天獨饒山水趣愛我聳詩肩

衛輝作

偶入朝歌里裴回五月時曳筇爨田路冒雨酒家旗
荒草比干墓斜陽蘧瑗祠貪遊却忘暑襜褕亦相宜

由般若寺尋梅溪

半破峯前寺僧房石竹花昔年歌舞地宮監兩三家槐
古通深巷山重失晚霞梅溪何處是淇上野烟斜

寺潞王宮

趾梅溪在淇上耶
律楚材讀書地

清暉閣聽雨

獨坐清暉閣層層向碧岑當牕松四面壘石樹中心有
鶴凌風舞何人抱膝吟一雷送涼雨為我滌塵襟

裊裊垂楊岸微微少女風魚遊萍葉上鳥入瀑聲中嵐
氣浮皆白榴花濕更紅蘇門隔半里向晚挂蜺虹

信陽道中

馬首隨山轉，征衣帶雨痕。
淺溪不沒石，深柳自藏村。
瘦嶼饑虎吟，孤續泣猿迢。
遙信陽驛燈火一消魂。

重陽偕沈範先成仲謙大洪山登高

山寺楓紅日，江村橘綠時。
雨添秋水漲，人與菊花期。
丙穴魚真美，丁藤酒莫辭。
歸途風落帽，同到孟嘉祠。

安東縣

斗大安東縣，荒城數尺高。
是田皆斥鹵，有地但蓬蒿。
夜

雨連鹽瀆秋風泣石壕縷堤幸不潰十日水歸槽

清河縣

白浪奔清口紅霞接海天
衰傷孤雁叫安穩老蛟眠
溝洫垂功日宣房下詔年
不知穿蟻穴何以算緡錢

五月滁陽道中

五月征途客天涯扇暍人
納涼常選樹待僕暫停輪
呼雨鳩聲好迎風麥信頻
前年當此日江上弔靈均

瑯琊山

琅琊昨夜雨，疊嶂生晴烟。瑟瑟菱溪石，泠泠底子泉。藥

苗雙葉吐，檀影半亭圓。理策貪山色，前行積翠邊。雙葉藥名

山產滌

太守當春日，於茲號醉翁。廬陵人已去，清興復誰同。碑

記苔全沒，梅花樹一叢。留連解真賞，携酒小橋東。真賞見歐

集

整花雨後放，流水到門旁。半里前山路，言尋九老堂。古

杉如鶴立，新竹比人長。懷古重搔首，孤鴻下夕陽。

九老唐李德裕韋應物宋王禹偁歐陽修張方平曾肇蘇軾羅琦辛棄疾

太僕陽明子風流思一攀生徒來讓水書卷滿豐山雀

鬪簷花墮蝸行壁粉斑空祠餘落照松下聽潺湲

按王新建年譜四十一歲由考功郎擢南京太僕少卿駐滁州日與門人輩遊遊琅琊讓泉間月夕環龍潭而坐者數百人歌聲震山谷

葉縣

漢代昆陽地荒城野水遙戰功推鄧禹仙吏說王喬廟
廢甃甌出人稀雉兔驕澧原頻悵望日暮雨蕭蕭

三十六泉灣殘碑在此間烟迷問津處草滿臥羊山龍
化何年去鳧飛幾日還長途懷古意臨眺不會閒

水經注澧水東茹水注之水色清澈漏石
分沙莊辛說楚襄王所謂飲茹溪之流也

鳳凰亭鐵鳳

凡鳥悲淪落空亭自古今何年嵇氏鍛為此接輿吟簫
史寡儔侶蘇門無嘯音思煩歐冶子移爾嶧陽岑

荆門州不得晤楊子常同年卻寄

奇險荆門道孤城壓亂山蒙泉墓口水醜石虎牙關黃

鵠干戈裏烏江霄漢間軍鈴夜不息羽檄下征蠻

羣山似奔馬滾滾赴荆門日落於菟出花開草薺繁破

愁無美酒入夜有吟猿思訪楊雄宅挑燈一細論

水經漢江水東歷荆門虎牙之間注荆門山在南上
合下闕其狀似門虎牙闕在北石壁色紅間有白文
類牙形此二山楚之西塞也又虎
牙磔豎以此峽荆門闕竦而盤薄

澧州

鴨嘴一舡輕徐徐鼓枻行山聞黔地險水愛楚江清小
雨孤篷疊新蟬兩岸鳴村疎山缺處遙見澧州城

晤羅紫蘿同年兼讀新詩

不見羅昭諫於今已十年名垂烏府籍家住葦蘿邊
下馬山村靜寒宵草閣眠明朝好攜手蠟屐到桃川

後園接了柱小艇擊潼沔松火檣孫課蕉衫學道裝竹

編寫酒器鶴立讀書堂自返山中駕渾如杜五郎

先生
閉戶

經年
不出

老矣看華髮翛然脫葛巾山鷓幽巷鳥花洞古時人
黍飯炊來飽松漿酌去頻殷勤談往事憐我躅征塵

浴手薔薇乳新篇冰雪姿藤花纏硯匣蓮粉落琴絲山
媚羅含宅人傳宋玉詞江瑤今下筓飽嗽慰相思

辰溪縣伏波祠

將軍百戰地辛苦西南陞秋雨連荒壘蠻花落廢祠空
江二水合大酉數峯垂更有渡瀘者悠悠千載悲

辰沅雜詩

百戰黔東地千重楚塞山路通金馬祀險伏石龍關舊
鬼呼崖下新猿掛樹間不知烟箬裏幾部五溪蠻

十里一官塘，郵亭半榻強。燈燒松液軟，飯煮稻孫香。塋

菜尋紅菌，秋茶鬪綠槍。貪眠直到曙，誰謂路荒涼。

時見
寺僧

焙
茶

山石橫還豎，溪雲伏復升。無名花嫵媚，當路樹翳鬢。粉
脫龍奴竹，芒多鬼帶藤。途中經眼處，半記亦模稜。

石塞疑無路，溪通又一灣。滴衣空翠重，礙馬堦雲閒。蟬
病槐花驛，秋生粟子關。納涼投宿蚤，清嘯一開顏。

縛木為牆壁，連延四五家。人貧噉紫蕨，官牒索丹砂。猺

雙聲如磬蠻姬髮有花侏儻總莫辨言語任喧譁

嚙嚼雞聲怪軻翰鳥語圓綠蘿盤似屋黑蝶大於拳石
澗深無底風輪轉自便可堪遭旱魃枯死壑塘蓮

趑趄擔夫苦陰晴歷日占每行詢藥裏不睡記郵籤小
吏蠻夷雜勞人跋涉兼簡書真可畏未敢避歌炎

黃絲驛

鳥絕羣山寂雲埋古洞竒長虹懸葛鏡小雨濕黃絲麻
哈魚梁水三郎竹鬼祠益州風日好不厭馬蹄遲

黃絲屬古

益州地

贈年廣文呈美

笙竹多名士卒生，獨擅場一官如鄭老五字。
是韋郎宅傍胭脂井，書堆魑魅鄉。秋清一携手，酒熟菊花黃。

永寧弔許殿卿

投荒許殿卿，兩載此孤城。搖落紅崖守，風流歷下名。
邢州白楊句，相送最多情。滄漢送殿卿詩邢州十月朔白楊問是山東客。

何由萬里行

結用殿卿語

鸚鵡寺

去地數千尺御風天際行
空中鸚鵡寺何處鷓鴣聲
嵐漲羣峰失霞鋪遠水明
前山雲不斷片片馬蹄生

清溪後洞

雪消山半出風軟日全晴
寺徑埜橋斷溪門春水生
看松青有態入洞黑還明
濡墨眉山老高題石壁名
一聲清磬發何處又禪關
僧自巢峯頂猿來掛樹間
尋梅到西澗擔酒上南山
茗芋方歸去分攜落照還

別高鏡庭四首

解后今何地招尋笠箐邊梅花孤嶼外雪片一燈前古
寺青谿洞風帆野馬川明朝欲分手不醉不容眠

戎州古名郡正與爾相宜千載涪翁後風流復在茲春
聲秦吉了瑤草五茸皮不分遶頭日行軒花鳥隨

聞向成都去從今美事該截筒摹酒法浣水試牋材叩
杖尋常得烏頭十數枚莫輕白居易空寄蜀茶來

我況但如此夜郎經二春瘴鄉髮凋客書癖眼昏人北

雁無消息東川有近隣
從今相問訊莫厭往來頻

雲安坡

禽鮓仄無徑雲安橫
有坡青天但咫尺前嶺更如何
木杪垂猿闕風崖落石多
俯身下地底飲馬渡盤河

送李遜五同年

九月驚寒早驅車別夜郎
青山渡馬首紅葉壓行裝
蘆酒村菊賤龍坑驛館荒
金門臣朔飽贈爾數檳榔

送徐道冲

黔山無雁到秋色正堪憐之子忽相訪萬峰生夕烟鳴
蛩金筑夜涼雨菊花天送爾東歸去臨行割半瓊

清淵大寧寺

溪東二三里高塢峙如山寺在水涯上鳥鳴僧榻間寒
光搖舍利清梵出層巒雁浦魚牀路行行冒雨還

舟中雜詩五首

小舟如板屋四五尺餘寬床上堆書卷牕前掛釣竿布
帆秋雨重沙岸葦花寒長夜燒鐙坐黃頭唱未闌

不聞款乃久復此弄餘聲一部回颿鼓兩行秋雁鳴成
樓甘茂里漁火子游城蕩槳愁昏黑東峯白月生

客館在何處思依秋樹根董祠紅葉路鄭圃白楊村
藥風爐妥貪眠絮被溫旅懷甘寂寞習靜且關門

膏肓歲月老二豎苦相侵不畏青囊術寧知白髮心
著書緣奕誤嗜酒入禪深冬底災年過方山返舊林

西北狂飈起停橈一水隅犬寒村不吠鴉睡柳相呼
白浪欺人老青山送客孤凌晨紅日上十幅順風蒲

秋日飲王曲江園亭四首

前輩讀書處竹房蘿薜陰半池秋水淨一徑落花深徐
穉經年榻王郎斫地吟後園石山子招我許登臨

蠟屐一時到蒼涼秋暮天草堂詞賦客燈火共留連白
雁黃花裏清樽紫鱗前歌工逢賀二疑是李龜年

名畫何從得秋光貼壁新荆關不復作近代有監陳此

地眇君子詩篇更絕倫風流未消歇愛爾輞川人

齊石田叔

章侯畫

最佳

不謂清淵好相羊客在茲鬪茶雨晴後說餅菊殘時病
試新丸藥齋逢拜佛期卜居曾有約惆悵復何之

曲江餉餅

甚美予以有倚
寓清淵之約

齋中即事

病起當風立空堂暑氣微小桐新葉大瘦竹雨萌肥白
浴蝸牛角黃裁蛺蝶衣葛巾欹不正無容到柴扉

花片飛還妥書籤短又長理箏羣柱合丸藥一亭香山
李名紅麝街魚買白魴可憐雙燕子卜築學人忙

段司空園

谷口幽棲地名園沈水東誰為段成式還憶舊司空
鬢白看新月花香立下風小亭饒逸趣零落野桃紅

園林兩日住客夢有餘清春晚花愁盡山昏雨勢成
籬門呼鶴立鄰舍飼蠶聲隔水青蘿館嘉州懷古情

岑參
青蘿

館在園
西二里

潁橋作

小溪通潁谷考叔有荒祠門外臨流水橋邊臥斷碑一

行山鳥下十里柳綿吹前路李膺墓行行夕照時

古歡堂集卷九

欽定四庫全書

古歡堂集卷十

戶部侍郎田雯撰

五言排律

徐聲字先生席上痛舊

大雅誰能繼風流夙欲探登堂腸已熱灑淚意多慚雪
葉飄逾大梅花放正酣負薪親道貌操塵接高談話舊
身全痛速途事半慙河陽曾縮綬葉令乍停驂雲擁軒
轅嶺溪同鈿鉞潭閩江通楚笮蜀道苦鳧鷖捉虎城常

閉鳴琴俗乍諳可憐巖邑小誰信土泉甘巫女粧如鬼
蠻奴走似虬水竒疑沸鼎樹醜類垂鬚何日飛仙鳥終
朝禮佛曇天心寧有意人事詎能參鵬鳥形偏惡桐鄉
祀可擔城邊花寂寂原上草氈氈月古烟雲壞山昏瘴
癘舍一船徒有骨八口總無甌竹箒荒祠廟黽鼯竄帳
龕艱難累寡母涕泗抱丁男哀狄啼寒雨饑鷓立老楠
望雲心更碎掛劍客何堪杖履當年夢人琴地下玉掘
夜嫺拜跼長號哭聲三

王浮梁殉節詩

王名臨元辛丑進士聊城人

小縣彈丸地倉黃苦用兵

廟堂策上將臣節見儒生白羽馳軍壘青山卷義旌天
空烽燧斷秋老鶴鷺鳴罵賊寧甘辱捐身豈為名孤魂
還激烈羣盜莫縱橫雨過江烟漲村深鬼火明詩書終
不愧何必涕沾纓

上西河先生

駟馬門庭峻西河道統傳醇儒存正誼理學守真詮經

濟源流徹儀刑動靜全勲庸垂宇宙胸臆括山川閱歷
官途久操持素志堅從來甘淡薄到處拯顛連以儉成
廉矣唯清乃惠馬建牙方上谷單騎忽江邊特進尚書
秩新無司馬權波澄淮泗水霞起豫章天所過真能化
相期解倒懸位崇分陝日名重保釐年驛路塵初滌江
村花欲然聞雷曾失箸飲馬亦投錢告誡心良苦瘡痍
意獨憐人皆矜晚節誰復酌貪泉最惜齊僉鈍還思魯
縞穿罷官不歸去日侍絳帷前

南陽武侯草廬

上宛連長陌茅堂枕碧岑遙岡有遺跡斜日遠相尋
跌立碑如笏鋒尖塏似鉞藕花紅片片流水綠沉沉
管樂才堪並孫曹恨不禁出師前後表梁父短長吟
八陣縱橫法三分慘澹心鼎湖遺詔痛白帝鬢霜侵
徐庶逃名蚤譙周仇國深人亡誰是鏡臺廢不彈琴
廬在終拋置行間歎滯淫七禽渡瀘水五丈泣秋砧
龍去仍疑臥鴉飛正撲林蜀桑凋自昔漢栢老存
今侍從多聞鬼飛鳴

有大禽空廊憐鼠餓叢木怪蟬瘖蟋蟀懸髭上狐狸語
殿陰劉禪真弱主陳壽豈知音淚盡人扶拜塵嬰雨滌
襟蒼茫新堊路策馬去駸駸

陽明祠落成詩

年少非凡竈波瀾是大儒

昔人云沿波討瀾

文章真挺拔事業

不枝梧經術探微與人倫立楷模官從驛吏謫路向夜
郎趨箐黑人行少雲黃鬼晝呼抗言飛瘴雨流恨聽山
鵠石墉身心與堯場歲月徂庭頻來駛舌書可射封狐

何陋清嘲解寅賓道貌癯晴嵐半軒白斜日一川烏每

作竒才歎

先生每一疏入晉溪抱孫披閱之輒歎曰竒才

空憐善後圖知音勞

典干貝錦恥狂奴偪塞遺祠破蒼茫勝國吁名臣新建

少前輩晉溪無剝蝕搜殘碣精靈謁大巫娉婷防妬忌

魑魅苦御揄莎沼安魚婢風亭放鼠姑綠勻含竹粉紅

膩妥桃鬚地酌蠻官酪笙吹夔女蘆四山夕排闥悵望

蹋春蕪

太室山二十韻

輿宅縈河洛神臯亘昊穹羣山橫地軸名嶽位天中海
涌三華日人呼萬歲嵩敦龐元氣抱峭拔巨靈通伊闕
雲難斷西都賦不同漢唐封禪沒篆隸薛碑空玉鏡來
羣帝金壺傍老翁何須探宛委應不數崆峒南北東西
嶽坤離大小熊星辰連六合爵袂冠三公毛羽珍禽集
夔苒瑞草豐吹笙尋子晉采藥羨盧鴻九節菖蒲碧千
花躑躅紅巖開泉瀆瀉月隱樹朦朧玉冊沾微雨龍旗
撼曉風祠官燔坎立祭器太牢充青鉢懸神榻黃芝滿

絳宮兩堦森檜栢四壁走虬虹際盛干戈偃祈年稼穡
功小臣虔祀典杲日上峯東

壬子分闈即事

京兆承恩重詞臣拜詔來宮花迎寶幄樂佐霞杯玉
勒香塵動珠旗日影迴簾幃分鑠院燈火映高槐
青藜合長天水鏡開五經叅博士十駕擢英才鷹隼隨
風下璠璣入手裁旁求收竹箭翦拂走龍媒永鑑歐陽
陋春鞭祖述催敢忘辛苦地盛典喜趨陪

召試應制

雉扇紅雲動龍池
碧液澄香飄銅鶴
篆花映玉壺冰朝
謁趨鴛鴦班聯列
股肱旗翻朱罕尾
烟護綺疏稜謨誥
唐虞合臣鄰稷契
稱朝曦浮綠字夜
被賜青綾已見羣
英富猶思薄海微
舜門千載闢漢詔
九霄承詞賦吳都
豔風斤郢匠能波
瀾巫峽水氣概臂
鞬鷹書喜彈冠上
車看攬轡登誰甘
依井深那肯老樞
繩稠壘弓旌出紛
連元凱升珮搖溫
室樹劄給剡溪藤
雨露恩方洽璠璣

價倍增雅醇唯董子駢麗是徐陵子舍歸方穩詞場力
未勝半年慈母膝兩月水衡丞園涉存三徑巖棲架百
層荷衣裝舊橐書簾東行勝夜漏鷄人唱春山豹霧蒸
丘樊辭薜荔宮闕倚峻嶒月盡神珠照峯青錦瑟馮衆
材無賤棄豈守讀書燈

奏捷

鉞授巴陵將兵屯天岳峯荆南頻送喜江漢復朝宗露
布傳三捷羸俘按九攻詩人歌杖杜軍幕照芙蓉楯鼻

馳蠻檄雷文勒景鐘時方七德舞險豈一九封巨浪風
雷合長林鵝鶴衝瀟湘春有雁壁壘夜無烽褒谷連秦
塞賓郎抵楚墉汨羅垂大角雲夢下高春騎突江花碎
旌翻驛樹濃乞降餘部落飲至樂從容勞苦東山意飛
揚細柳蹤羊腸巖斥堠鐵鑠截艤舫屢下蠲租詔堪憐
芻糗供自今消戰伐婦子課春農

羽檄蠻方達官軍轉戰勞峯連天嶽險浪湧洞庭高早
見收邊郡遙聞鏟賊壕黃雲空壁壘青草散風濤王者

師無敵元戎氣自豪
妖狐已就縛封豕欲何逃
戈稍衝晴雪樓船掣巨鼉
長毆通貴竹畧地控臨洮
騎突濃花戍颿懸細雨
艘瀟湘波上下衝霍勢周遭
兵氣延鼃塞威聲伏虎韜
三苗消瘴癘萬里入旌旄
部曲停袍鼓轅門照寶刀
但聞探盜穴知不犯秋毫
當殿痾瘵意頻年婦子號
澤蒸雲夢雨

詔下楚江臯冊府元功壯
專征閩外操風詩歌杖杜獸
錦賜蒲桃廟算規模濶神
驅羽衛牢昇平七德舞送喜

薦春醪

貢獅子應制

南軸狻猊貢雕題瘴海來
金剛夸異質烏弋豈凡胎
宛足騰猗洞斑文映斗魁
噪陽真挺拔嶺表鬱崔嵬
尾掉風生箐山鳴晝起雷
熊羆須早避兕象莫相猜
月照槃匏館秋高戲馬臺
豈甘同攫貉未肯學駕駘
北望遵王會南荒歷劫灰
樓艘浮萬斛颺浪簸千堆
使者鬚髯古蠻衣瓊巖裁
綺錢盤翡翠椎結罽毼頰
首螭均下呼

嵩鶴禁隈表須重譯上宴許膳夫陪甲帳傳銀甕仙莖
賜露栝樂浪偕館舍日浴共裴回報謁鷄人唱辭朝驛
騎催天連溟渤濶客泛斗牛迴紫舌車書集洪壚雨露
該騶虞遊上苑犧象鏤雲壘喘問三春犢祥徵八尺駉
虞人勤護惜愛此不羴材

人參應制

遼海黃雲伏醫閭紫霧玉靈祇藏雨露元氣抱巉巖瑤
草何年種芝苗幾處剗披榛凌絕嶺採玉帶長鏡土厚

三根極泉肥九折曲蠶頭甘可嚼龜息坐宜銜瘦老龍
蛇縮髯蒼虎豹饒磴研埋澗谷軫輻覆松杉為藥功偏
大呼人格不凡苓脂凝琥珀薤葉走麋麕雁下盧龍塞
風懸鴨綠颿翰鮮使者貢周禮膳夫監自異尋常值何
妨什襲絨丹中珍有托籠內物應芟美足侔雙璧時方
頌五成

聖朝無賤棄聲價邁瓊瑛

古歡堂集卷十

欽定四庫全書

古歡堂集卷十一

戶部侍郎田雯撰

七言律詩

移寓

巷北巷南春寂寂
梁鴻廡下太無聊
移來自笑耽書癖
看去誰伸乞米腰
草閣三重巢燕子
瓦盆二寸種魚苗
吾廬真是堪高枕
詹尹何須捧腹招

送李公旋之任普安

一髮西南八千里烏亭畫成路茫茫木瓜圻地通盤水
金筑粘天八夜郎山滿箐烟三月雨村撾銅鼓百蠻鄉
何須咫尺中年宰勾漏丹砂自不妨

答申隨叔檢討

病餘騷屑一官寒曼倩金門興已闌薄俸每于書肆盡
世情偏讓酒杯寬窻前秋水來鴻影頭上黃花滿鵝冠
出郭行吟正西笑勞君書札到長安

又答隨叔兼寄鳧盟先生

散吏漫郎癡可憐
長安匏繫數經年
正平已少懷中刺
司業頻投杖上錢
寒夕羣鴉風瑟瑟
空庭老樹月娟娟
聰山詩客吟秋水
又在白蘋紅蓼邊

蓼花盛開東友人

米囊花盡蓼花開
東閣何堪賦老梅
客舍偏爭秋色早
西風又送雁聲來
青鞵布韞今能否
試茗彈碁日幾迴
昨夜西清初下直
鬪班小鳳莫相催

同淨因上人茶話

雨後蕭齋放晚晴虛巖白動月華生亭亭獨樹當門立
故故雙鳥遠舍鳴床上堆書供客枕人家弄笛趁秋清
遠公過訪消寒夜來日相邀野寺行

大佛寺

背郭招提隱翠微塵沙一氣四山圍凋楊葉白寒鴉集
衰草雲黃野雉飛原上土封何代碣巖間雪閉老僧扉
欲尋支遁幽棲地繫馬霜林向落暉

秋暮有感

蟋蟀床前語未闌
短檠破絮夜漫漫
授衣偏有幽風例
乞米空嗟洛市難
龍在澄潭抱珠蟄
樹多敗葉滿山寒
季鷹自笑鱸魚興
孤負江鄉舊釣竿

送龔郎中出守平涼同梁舍人

斜日寒烟菊正繁
追陪官舍駐行軒
人傳龔遂來秦右
客有梁鴻老薊門
綠酒秋燈須盡醉
黃花夜雨好重論
峒巖千仞風流地
函谷關連渭水村

柬曹頌嘉舍人

賣文為活畏人憐，貧鬼生涯縛草船。
賀監蕭條泛湖去，少陵老困撥書眠。
春光欲暮當三月，官況堪悲已六年。
只合與君拚共醉，桃花似火柳飛綿。

病起

病僂尊生學累丸，病餘槁木轉相安。
青山招飲樽前客，白首為郎座末官。
荒薜經秋墻葉少，流螢帶火砌花寒。
人生痴黠全無用，蕉鹿何妨夢未闌。

中秋寄舍弟

泠泠新月上人衣
吟望清宵一雁飛
雨後苔痕三徑滑
鏜前歌板五陵稀
頻占著草疑難決
舊種垂楊大幾圍
董相祠旁讀書地
說歸嚙語幾曾歸

同韓生話舊

支離老友悵天涯
剝啄忽停雙犢車
夢遶故園春草色
人來燕市酒徒家
笛聲斷續吹楊柳
雨態空濛濕杏花
久坐與君談遄事
一堆蠟淚月西斜

傷心時節逢寒食
襖被蕭條對故人
看汝樽前雙鬢雪

笑予面上十年塵非緣禁火官原冷每歎無魚客更貧
爛醉高譎莫輕別杏花初放柳條新

贈李將軍

月戟霜鈴百戰存殘年萍跡滯江村沙場馬革新苔色
夜帶當壚舊酒痕定遠功成垂白髮邵平身退老青門
即今射虎幽并路夜獵何憂醉尉尊

秋郊雜興

閒峯野水弄秋光向夕登臨白袷涼僧磬數聲來遠寺

人冢一帶住斜陽正當紫蟹清樽日偶入蘋風蓼雨鄉
須信山靈應有意不教吟興太頽唐

好鳥竒花處處逢楚然雙屐自從容橋邊但恐莓苔滑
洞口何妨瀑布封老樹霜紅飛數葉空潭雨碧洗千峯
東臯再上層臺望半濕香杭野碓春

既向西風把釣綸又尋古寺渡南津莫教泉石禽魚怪
可笑形骸土木人同社陶潛招飲去入山支遁寄書頻
從前兀兀都如夢孤負秋光是病身

忽憶故園秋色好商量結屋在河湄
甕浮綠螿芻新酒
庭種黃花補舊籬
一詠一觴真我事
不衫不履少人知
風塵憔悴心情減
說欲休官悔較遲

飲李寅清齋無柬梁水部

文燕詞場自不貧
焚魚庭院隔風塵
老槐燈火圍書屋
明月鬚眉照酒人
捉鼻狂奴初駐馬
吹簫午夜欲沾巾
依稀曾記仙源路
一見桃花識舊津

柝鼓中宵起暮烟
竹梧深鎖草堂偏
人如冰雪來姑射

詩和裴王在朝川徑尾花隨行藥裏牀頭書擁亂山前
五噫側近梁鴻宅廡下愁吟亦可憐

秋夜同方山

西風寒葉動涼颼久坐開襟對酒卮小鳥窺燈穿竹去
流螢分夜入簾時書來鄉國迷鴻影月轉關山照鬢絲
莫使傷秋減吟興盡刪九辨楚臣辭

搔首經年厭鼓鞶只拚一飲醉如泥搗夜秋水千砧遠
種菊東籬百本齊病鵲怯風投樹立涼蛩依壁向人啼

藥欄秉燭還相約
明日看山共杖藜

晚眺

南陌溪風捲釣綸
空壕草路水粼粼
高槐老幹能巢鶴
秋水澄波欲照人
夕景霜城軍幕靜
寒烟古寺梵鐘頻
却思招隱知何地
空負籃輿鹿角巾

春日坐焦鍊師道院

茅屋三重結構奇
竹窗紙帳最相宜
誰傳肘後囊中術
曾賦玄都觀裏詩
花下茶鐺無藥竈
雨中燕麥與鳧葵

道心久作丹丘想日暮烏栖坐不移

詠史

忽遷豪傑實關中漢使星占迥不同一自節旄飛瘴雨
長教鷓鴣卷蠻風山川戰後多新鬼杼柚呼來賦大東
羽衛材官身手健莫辭辛苦早從戎

夸陵漠漠戰雲黃露布初傳入建章花隊元戎喧鼓角
月明父老哭瀟湘蜀川使節思巖武漢室前籌仗子房
詔下蔡人吾赤子將軍禽賊只禽王

官津斜日大旗明幕帖傳宣又點兵壁壘幾人推上將
干戈萬里老書生塵飛紫塞風偏疾天瀉黃河勢不平
強項朱雲焚諫草當年折檻亦虛名

細柳營前羽檄頻逍遙河上是何人功侔馬援邊陲柱
死作睢陽戰地塵問夜至尊憂水旱交章元老薦沉淪
綢繆桑土非無計恩澤由來重徙薪

漢代曾言雲夢遊韓彭一旦未央收夜郎棧雨盤江細
烏石榕花獵馬秋戍伍丁男衝瘴癘村原寡婦罷誅求

羣公自有匡時策，民瘼何須暗淚流。

賓客文章京雒稀，夢魂苦憶故山薇。
青門醜酒辭金馬，紅藥題詩試鐵衣。
願收用兵本無敵，蕭曹定計未全非。
柘前却話愁何在，報到銅崖已解圍。

萬柳堂感事作

堂為益都別墅

堂成背郭柳陰齊，三月風綿下淺溪。
簷可營巢來紫燕，池皆種藕坼青泥。
玉勾花放行相映，賭墅人歸徑不迷。
獨有洛陽新涕淚，愁聞烏雀一林啼。

生日得卮字

榴開瓶插兩三枝取鏡當牕照鬢絲
面骨崢嶸窮措大形骸土木病容儀
看來富貴真無分說到神仙亦可疑
水面蜻蜓花蕊蝶紅妝小婢遞傳卮

再向筵前進一卮道衣烏帽坐題詩
棗花纂纂侵牆日荷葉田田貼水時
四十一年人是夢五三六籍我何師
不須更唱蓬萊曲自作新篇付雪兒

登毘盧閣效空同體

老栢鐵枝盤佛閣翠微晴色動林阜人家遠抱桑乾曲
山勢斜奔碣石高檻外天風鴻上下城邊秋水樹周遭
憑陵霄漢人聲寂獨有禪燈照客袍

此下何山作砥柱丹梯鳥道只相疑合圍霜樹寒花放
撼壁龍雷夜雨垂地肺呼風吞海嶽成樓落日斷旂旗
嗒然清嘯身飄渺未許金門賦客知

千尋佛火出層雲面對西山正夕曛老樹風懸鵬鷲宅
荒原草長駱駝羣秋生沙磧寒應早水下天津勢漸分

側耳巖城聞戰鼓登壇重起舊將軍

市上荊卿呼欲出臺邊郭隗老堪愁
空餘古寺淒涼地偏起西風鬢髮秋
燕雀幾羣盤下界兵車大道擁諸侯
何人出塞聲高唱遠樹寒烟易水流

送周紫海之河南

分袂青門歲暮時梅花一樹正參差
君攜襆被尋嵩室我愧文章替左司
杖上酒錢原自少袖中書刺欲何之
大梁風雪頻懷古應有尼門監者知

見燕子作

曲徑閒花細雨侵，翻飛春社動鳴禽。
人卜築，風巢定。趁日銜泥草閣深，
枝上鷓鴣同寂寞。巷中王謝，歎銷沉。
經旬看爾將雛去，紫陌烏衣何處尋。

送孟端士歸吳門

燕山七月寒蟬至，解纜西風送客舟。
帝謂桓榮能視草，人傳洗馬正多愁。
孤燈官舍青桐雨，落木江鄉白雁秋。
不厭東方狂曼倩，高歌據地暫淹留。

獨下津門撥棹遲蕭蕭驛路重相思
菰蘆秋老涼風夕
鵝鶴斜飛細雨時
有日探梅來鄧尉
何人攜酒向南皮
闔廬石畔停青雀
尋我寒天畫壁辭

酒熟邀升六頌嘉過飲

蒲薦松牀瓦甕圓
小槽滴瀝酒如泉
二叅便可留髡醉
一斗何須費杖錢
看爾持螯勞左手
笑予覓句聳山肩
昔人荷鋤君知否
莫負黃花九月天

同頌嘉飲綸霞齋讀新詩

詞金錄四

羅酒清如乳共

銜前宣室一色十觴連舉我醉倒持銅綽板儼倩花
奴擊鼓竟弟勸兄酬無數疑是吾州從事者問何年
却向平原住鄉耆舊還相遇 主人鸚鵡初成賦動光
芒天孫五色長篇短句比似裁眉天半雪竒秀差堪
儔伍高歌罷睂峯欲舞一卷漢書傾一斗借斯文下
酒君須誤扶上馬夜方午 曹貞吉

玉泉

玉泉蠟屐遠相尋谷口漸聞流水音雲起直籠山四面

金剛山人詩集 卷十一
瀑飛倒瀉樹中心稻畦甲坼春前雨菱沼聲浮水面禽
高唱滄浪一搔首諸峯縹緲碧烟侵

九日宋子昭謝方山招飲黑龍潭晚坐刺梅園

松下四首

薄日晴牕眠數迴郊園酌酒苦相催卻將倦眼憑高放
喜逐寒花傍寺開賓客幾人同戲馬山川百戰此登臺
銷憂自是羣公暇不少參軍落帽來

步屨從容返照低高峯疎樹赤雲西寺前大澤龍常伏

天末斜風雁不齊野架朱苞垂數子霜蘆黃葉下平畦
席邊秋水涼難醉可笑山公未似泥

苦竹叢花背郭垂中林野興坐頻移從教華髮刁騷短
偏遣西風寂寞吹急羽高天連障塞空山寒霧轉旌旗
驚人物候秋容老偏插茱萸又一時

淒迷風雨何年樹不惹慈仁寺下塵歇馬恰逢蒼水使
合圍誰種老龍鱗思添一鶴清宵立更聽流泉白社隣
安得鐵枝辭搦伐移來長伴苦吟身

聞雁

宋玉含愁思不禁飄蕭牕外動長吟屋茅半捲秋風破
布被初寒夜雨深瑟瑟拆聲驚塞月淒淒猿嘯隔楓林
不堪伏枕聽難寐回首鄉關久滯淫

丁巳人日試筆

試筆眼花書字大龍鍾漸覺不如前入燕忽度十

時深切

人日墮地曾逢四巳年未許為郎稱漫叟只判飲酒學
逃禪城南尺五花爭發待向春風大放顛

暮春同于桐江汪鍾如吳五厓遊張氏園晚過

嘯公房四首

竝

蒲浪切

城最苦名園少覓路幽尋古寺隈埽徑何曾嫌

客過入門忽漫見花開亭邊小沼春泉響衣上新泥燕
子來茗椀棊枰消永晝不妨隨意坐莓苔

歷落溪旁村二里紆迴山脚路三叉可憐前日清明雨
悔不來停下澤車橋上臨流看月好軒中多竹受風斜
催人節物春光老墮盡柳綿開棟花

雨餘蠟屐轉溪灣尋勝招提未擬還花下遠公須置酒
春來謝客幾登山寺藏橘刺藤梢裏人在蜂鬚蝶粉間
向晚講堂鐘磬寂一時塵念已全刪

無賴風光三月新馬蹄不厭蹋芳塵桃花有路尋漁父
野水無波賦麗人為掘藥苗攜僕至少餐厨巖壑僧貧
羣雞亂叫牛羊下歸路黃昏雨墊巾

顏兒生同年釀酒相賀

自分一雛婚嫁畢便游五嶽向禽同何期湯餅成佳會

漸喜鳩車入眼中有母不妨名
絡秀添丁翻愧似盧仝
他年長健如黃犢白社籃輿
昇病翁

潦倒年來筋力疎自誇老蚌
意何如敢言愚魯方隨願
豈有之無欲試渠門巷羞看
題鳳日親朋故錯弄麈書
犀錢照眼鶯花媚狂態歡情
爛醉餘

出都

乞章才上一驢歸西笑燕山望
翠微日下寒峯多黛色
天邊蒼隼入雲飛十年歲月堂
堂去小草心情種種非

行李蕭涼風雪道呼奴抖擻舊荷衣

十月霜風落木殘還家結束下桑乾
亂書數卷牛腰重
細雨千峯雁陣寒日數歸期過小雪
文移肆罵是微官
故園酒熟河魚美準擬親闈薦歲盤

出都留別袁馮兩先生

廿載程門立雪孤不才尚許補東隅
心同脈望餐書少
身似眠蠶作繭無慚愧王通門下士
支離易水酒人徒
從今免乞長安米
拚擋朝衣玉鹿盧

彰儀門外別諸同人

一路鞭絲帽影間，西勾橋外野花斑。
攜家穩渡盧溝水，訪舊思登鹿角關。
雁為倦飛投遠浦，馬思伏櫪牧春山。
故人京洛休傷別，十載鄉心許乍還。

盧溝橋

虹蜺千尺野雲屯，塞路人行駕短轅。
霜下桑乾寒浪小，火燒碣石遠山昏。
平林葉脫巢禽出，野寺烟深粥鼓喧。
聞道張華曾有宅，葦花漠漠滿荒村。

三角店曉發

睡思昏昏小驛中
巾車破曉霧冥濛
晨雞咿喔旅人館
濁酒禁當溪口風
袖手垂鞭殘夢續
前村鳴角戍烟空
此行莫說名場誤
得失何由定塞翁

湖舍

空濛烟水湖邊住
草屋三間竹樹圍
網集柳陰捕魚去
棹移人影采蓮歸
登樓華鵲諸峯合
衝雨鷓鴣逐隊飛
漠漠長天如畫裏
令人却憶米元暉

禹城道中有感

衝塵揭袂陌風斜
手挽雙牛笨板車
遠渡看人過馬頰
荒邨繞屋放桃花
晏嬰城暮重沾酒
穀雨春愁又憶家
自顧此身如老鶴
高飛漠漠野雲遮

遇合無勞羨馬周
須知李廣未封侯
功名會上原須福
放翁 婚嫁畢時何處遊
日暮倦雲歸大壑
雨涼遠雁下滄洲
年來病脚渾無力
難上峻嶒百尺樓

大佛寺後山亭

古洞寒花佛閣陰朔風雁陣此登臨
小亭怪石如人立壞道哀湍動客吟
石馬諸陵山色老竹梧舊苑雪痕深
寶衣化去僧頭白向夕鐘聲動梵林

采石磯

天垂雲影雨霏微停櫓來登采石磯
半嶺松花當屐落一行水鳥下灘飛
遠山螺髻橫秋色隔岸鈴旗立夕暉
十里白蘋紅蓼裏謫仙汨沒不曾歸

千載謫仙呼欲出振衣牛渚一登樓
鑑湖乞與知章去

梁宋誰同杜甫遊，蕭瑟秋聲來雁浦。
冥濛細雨沒漁舟，橙黃橘綠烏棲夜。
對酒難消萬古愁。

泊舟蕪湖

螺磯插江江水奔，老螺截霧立江門。
斜陽石壁鳩茲轉，細雨颿竿魯港昏。
銜尾樓船沉鐵鑊，連宵漁火照楓村。
津亭半夜寒潮上，旅思勞薪不可論。

自皖歸

輕烟柔艣皖城還，兩岸寒花滿目斑。
紅葉已飄山四際，

白雲忽起樹中間一行鴻雁噪磯路數片颿檣牛渚灣
來往江鄉二千里幾回臨眺破愁顏

九華山

天河秀出九芙蓉拄杖來登九子峯小雨過橋衣漸濕
大江吹浪日高舂數聲搗藥林間鳥五粒垂髯澗上松
徙倚青蓮讀書處黃鮑巴水欲相從

搗藥
鳥名

揚州

揚州城外方園好水榭風亭花未殘春色已當三月半

酒杯須放十分寬日搜書肆空成癖人喚狂奴幸解官
第五泉邊一枝觴道巾野服去盤桓

依韻答汪叔定兼寄蛟門

深柳斜堤十日留使君空復到揚州只宜美酒傾蕉葉
豈有名花出玉勾官罷便須稱漫叟時平定不厭清流
詩人汪五如相問說在蕪城水上樓

句曲移寓張菊人先生宅

邑志載葛陶
二傳甚詳

書束牛腰僕抱琴勞人二載乍投簪名場祇自安鳩拙

狂客何須嘲鳳吟，
整與旃川作隣舍。
將隨弘景老山林，
三茅岡下桃花水。
欲識仙源次第尋。

述懷留別西河西塞兩先生

學劍學書俱未成，
吹竽自笑一齊儉。
凡駘豈敢言千里，
片石何堪直數城。
元亮歸時今較晚，
文通賦就恨難平。
青溪岸上官衙淺，
小閣愁聽夜雨聲。

水漲秦淮五月時，
榴花照眼正參差。
清晨盥手占周易，
半夜燒燈讀楚辭。
蔡澤元來憑相貌，
老聃曾欲混雄雌。

從今歸向田園去自灌畦蔬自課兒

從前萬事付波瀾回首真如蜀道難
朱雀桁邊心寂寞承明廬裏興蹒跚
幽棲直愜平生意需次羞言本分官
惆悵六朝空舊跡勾留風雨臥長干

誤持手板亦匆匆甘溷牛溲馬渤中
小草多年懷北夢瓣香此日拜南豐
自經雷煥無塵劍獨有中郎識爨桐
嶺樹江雲秋色早冥冥千里送飛鴻

景陽宮故址

衰柳寒原寺逕斜
舊宮層堦集昏鴉
何來樓下韓擒虎
可惜井中張麗華
遠圃香風開菡萏
老僧竹院曬袈裟
空智覓路無人汲
雨濕胭脂似落花

旁有胭脂井

正月十五日夜病中葉公旦惠元龍見訪

二妙相過肯慰留
寒宵向火裹羊裘
荒村酒味嫌酸薄
舊歲詩篇費校讐
自號半人因病足
誰憐一月不梳頭
第三廳上春光淺
兀兀騰騰醉即休

又和公旦並示元龍

空負元宵好時節竹竿小巷罷歌筵踈狂態度蕭思話

調韓坡

冷淡心情白樂天

冷淡病心情暄和好時節香山句

愛數寬杯招

飲客強開笑口入新年近來作事癡頑甚鎮日昏昏但

醉眠

寒食二首

卜居北渚水亭隈作意春風吹我來
占住溪山真厚福
笑談文酒是麤才何須蕉鹿才
言夢果到桃源定不回
况值清明好時節乳鶯姪姪杏花開

春水拖藍柳麴塵湖邊一到一回新花鬚蝶粉居奇貨
竹杖芒屨有夙因官格雖庠休妄想酒錢縱少未全貧
今番行藥無拘束爛醉高歌一幸民

春日十首

歷下作

勾留湖上掩雙扉草屋三間水四圍身縱得閒常帶病
客聊遣悶不思歸樹頭日煖鶯饒舌花下風來蝶倒飛
寒食雨晴春晝好溪山領畧戀清暉

記得江干擁傳時驚心往事鬢成絲飽看世態甘恬退

新署名銜是老癡
雨後圻泥春種藕
窗間畫紙夜圍碁
浮家七十二泉上
分付東風楊柳知

大錯何能鑄六州
從前無地可埋憂
緘書送藥兒多慮

補屋牽蘿婢亦愁
車馬無喧身穩便
髭鬚不染老風流

心情此日耽幽賞
華嶠高峯上上頭

上時掌切
上時亮切

冠蓋交遊事已停
飛鴻聽爾去冥冥
王喬向我誇仙吏
鑿齒無人識半丁
波漲晴湖千頃白
屋藏深柳一燈青
几爐妥帖當花檻
閒閱茶經與水經

緯蕭抱甕一田夫齋署山蘊繪作圖詩愛古人常勒襲
語關時事畧模糊陶君有意尋蓮社賀老無端乞鏡湖
舊壘新巢勞燕子雌雄黃口引飛雛

鏡中面骨瘦崢嶸唐舉休將劣相評扇上風流爭畫我
尊前態度每呼兵騎驢賣藥前村去攜妓探梅小艇行
半醉滄浪歌一曲不衫不履笑先生

又過清和被襖晨相羊兩月住湖濱桃花貼地沾遊屐
柳絮沿溪撲醉人拙守不須嗟命薄俗情何用說官貧

樂源朋輩來相訪看我風前折角巾

卯飲曹騰酒未消書籤禪板足逍遙藥須自合皆經手
帶已長辭怕束腰才與不才兼木雁隱能終隱伴漁樵
遽然美睡三竿日從此休官不早朝

四十九年心事違龍鍾老態欲何依少遊京雒妻孥怪
壯戀風塵猿鶴譏書本自慚稱學者板輿空說報春暉
遽公寡過功夫少何待明年始悟非

詩篇態度似春雲傳寄燕山卯君紅豆千言本無敵

堯峯一席許平分
荒齋茶熟彭亨鼎
老將旗張嘯哨軍
何不裹糧借湖上
杏花微雨待論文

謂弟雨來子
益並元龍

僕人勸予歸里作詩答之

草滿門庭愁寂寂
老悲歲月去堂堂
已經作客三旬日
再裏看山半月糧
暗喜蝶鶯留我住
生憎風雨占春光
紅裙上馬花搖艇
爛醉還拚十數場

偶作

果然無地可埋憂
著意驅愁不欲愁
煩惱全除常禮佛

陰晴那管日貪遊石堪坐處鋪碁局花正開時置酒鉤
莫謂狂夫狂太劇試看白到五分頭

置身木雁是蒙莊多事張儀鬪舌強老子何妨無病病
國人羣笑不狂狂鴻毛性命庸鑿手乳臭衣冠優孟場
羅醞三升錯認水看來只合醉為鄉

夏日十首

罷官博得一身閒結屋藏書有數間鍵戶高眠容嘯傲
逢人作意學疎頑桑枝麥穗天將熟渭北江東客乍還

續佛長齋經半載風塵一事不相關

冰簟松牀興不違
葛中野服欲忘機
黃鸝頻請窺園去
赤脚扶行賽社歸
著雨榴花還自吐
出巢雛燕也高飛
從前應悔傳聞誤
種竹何如食肉肥

讓人巧擅棘端猴
下澤乘車訪舊遊
枉自通鑿難療病
只緣識字轉多愁
歸與未肯荒三徑
隱矣何須畫兩牛
莫以數竒嗟李廣
醉鄉無日不封侯

屯氏河渠小巷隈
衡門反鎖徧荒苔
種瓜課僕澆畦去

打麥登場拄杖來未解終南尋捷徑敢云季女少良媒
殷勤天語詢名姓

聖主何嘗棄不才

落花片片水粼粼羞向溪頭再問津緘口但容常說鬼
無錢那復得通神輸贏須算碁全局醒醉纔分酒數巡
試問披裘當五月支離淡蕩是何人

八尺風漪一覺眠桐陰覆院北窗前身同野鶴存癯骨
老似黃楊厄閏年酒美便思招快友詩狂直欲上青天

也知礪硯難消得打疊心情故放顛

不是途窮何用哭其如心冷已成灰
鳩能呼雨休言拙
蛙盡為官豈乏才
水面田田荷葉綠
牆頭纂纂棗花開
愁人節序頻驚眼
河朔今年罷舉杯

據梧運甕待何如
從此安禪臥舊廬
不作嗚嗚矜醉態
那須咄咄向空書
彌明有句能驚客
鮑老當筵慣笑予
一事差堪鳴得意
山薑花放滿庭除

環堵蕭然竹數竿
披襟搖膝足盤桓
雨多避漏移書架

鳥噪呼奴守藥欄，浪得虛名休自悔。
裝成新卷寄誰看，水曹卽是詩人例。
却怪當年作外官。

村路花開一水香，黃瓜紫李摘堪嘗。
把詩過日無來客，縱飲傾瓶有索郎。
失箸幾番驚霹靂，纓恰好唱滄浪。
陶然且寄田家樂，犁雨鋤雲底事忙。

癸亥生日得書字

堂堂四十九年餘，鹵莽心情禮法疎。
量淺偏能貪美酒，眼昏空自好竒書。
去冬不死真為幸，往歲成名盡是虛。

老瘦迂酸非福相
休言駟馬與高車

疊前韻

手板閒拋拙宦餘
蹉跎不悔世情疎
少時便讀潛夫論
老去終無封禪書
惡夢紛紜應早醒
浮雲來往亦全虛
桑枝垂甚榴花放
農父來迎駕犢車

秋日十首

豆架瓜棚短竹籬
菊花更有兩三枝
西風乍起鱸肥日
霜信頻來雁叫時
閒遣長鬚邀飲客
細舂新米續晨炊

前年記得江干路樹樹黃橙綠橘垂

西村暫憩北村行禾譜新裁手自評破笠長鑿農父態
晚菘早韭野人情烏犍一尾纔通券書屋三間又落成

更快多收十斛黍天教釀酒醉先生

結用東坡語

不妨跣足又蓬頭僻地無人識故侯土銜柴門安石碓
葦花秋水遶瓜丘小巫伎倆能驅鬼村究吟哦也似謳
一局碁完須罷手從前強半是輸籌

牆東棗熟從人打割蜜蜂房僕又催吳製披綿黃雀美

昔在吳門飲純翁齋黃雀甚美

南船通印白魚來，腐儒麤糲叨非分。天

意優容養不才，賀子論婚隣社飲。經秋日日未停盃。

蹋歌作社雨新晴，識字田夫署有名。硬餅熟羊朝一餉，
吹簫打鼓暮相逢。場作戲無拘束縱，口談天欠老成。
自己癡頑渾不覺，賢愚責子笑淵明。

畦蔬園菓學霜包，又近重陽節序交。擺棹登場新稻菽，
斑青除蔓老瓜匏。淒清一派烟中笛，補綴三重屋上茅。
天氣乍寒常晏起，布簾絮被讀書巢。

客來須倩小山薑

呼長孫為小山薑

扶我掘迎似杖長花徑新

除魚眼沸竹軒久坐木瓜香出門一步真多事美睡三竿自不妨才拙從前昧鍼線他人免索嫁衣裳

遊行自在是閒身村後村前日幾巡小雨井欄聽絡繹寒原獵網買鷓鴣宦情絕似秋蟬翼世路偏多妬婦津自分甘辭龍尾道讓他汗脚尺三人

清秋一首杜秋詩記得前身杜牧之芳草碧山人醉後

樊川語

白蘋紅蓼雨餘時留心下著鷄徒助用手擎螯蟹

有脂寧使賞音終落落黃金不願鑄鍾期

將詩爬癢興堪垂酒可策勲吾亦能無力那思扛斛鼎
從前悔不摸牀稜快逢陶謝耽佳句冷笑張陳是舊朋

但擬低頭拜東野寒蟲兩耳鬪癯僧

東坡讀孟郊詩云
但可鬪僧清未足

當韓豪何苦將兩
耳聽此寒蟲號

畬友人

抱病村居久閉關數株槐樹一溪灣毬場射圃風流歇
瓦鉢棕鞋態度閒獨有心情貪綠蟻判將爪髮瘞青山

屈平何事為天問絮絮篇章已盡刪

題呂子鐵菴

十畝園林結構精茅菴故以鐵為名離奇柳樹嵇中散
窈窕梅花宋廣平月觀風亭吹玉笛雙柑斗酒嚼春鶯
知君掃徑留狂客莫使樽空醉不成

冬夜讀晉書

嬾箋爾雅註蟲魚半夜披衣讀晉書雪撲梅花簷啄雀
酒斲臘日瓮浮蛆盜名取位清流巧露尾藏頭偽學疎

燭跋不眠多感慨笑看習氣不能除

冬日十首

膏肓有物苦相攻憑借參苓與朮芎冷熱那能驅瘧鬼
文章誰可愈頭風閉門謝客宜冬日擁被貪眠是老翁
乍放梅花天欲雪燒殘榾柮地爐紅

米汁芟湯顧渚茶寒天舊解水曹花養生須謹如防寇
再仕真癡是畫蛇拙不合時休自悔老猶多養倩誰爬
攤書長夜村齋靜絕勝秋塘兩部蛙

從前萬事總荒唐不飲狂泉定不狂
遭鬼揶揄還老辣
與天執拗費商量
讀書燒蠟稽孫課
埽地垂簾上佛香
自哂依然窮措大
避人如畏夜郎王

投扇休逢春夢婆
不須感慨似東坡
名香清磬禪心定
紅袖烏絲勝事多
爐內灰堆疑積雪
盃中酒色似新鵝
曳筇曝背柴門外
一味安閒邵子窩

蠻觸從前絕可嫌
年來高臥頗安恬
藏身新繭如蠶老
饒口香醪勝蜜甜
鐙下梅花成畫譜
窗間雪葉落書籤

陶公枉說山中相此事何能二者兼

連展黎祁種種精山妻為我費經營朝投煖胃門冬飲
暮餉翻匙芋糝羹準備風霜年老態鬱葱松竹歲寒盟
火爐烘手還僵縮僕婢層冰赤脚行

習靜頽然戶晝扃雪中不復到旗亭行難騎馬鞭何用
食怕傷脾箸半停解醉茶香烹雀舌襲書紙面染鴉青
寒烟枯柳斜陽下坐為村童講芳經

嘉平之月苦相催可厭年華袞袞來晚節於詩高一格

寒天方卯進三盃瘦軀酷似冬青樹異事頻驚瓦釜雷
記得揚州此時候何郎清興在官梅

竹瓦廬寒火亦稀撩奴辭去竟何歸當窗烘日梅無怨
啄雪為糧鶴豈肥有例那宜薄崔烈於書不敢讀韓非


粥鐺藥竈空齋裏憔悴東陽減帶圍

近日僕多散去

樂府新詞酒舍邊羶巾驢背稱吟肩半生初返山薑屋
一載重聽歷下泉官爵太庠猶可說文章不進亦徒然

嵩峯萬丈黃河曲他日題詩莫浪傳

予久有嵩山之約



古歡堂集卷十一